

Cietroigyaj Nazmbaeklae Lungzciz:

Mbaenjgouz Swnhleih Siengjmuengh Vuenyungz

祈求顺利向往幸福的龙青梯田梳秧节

□ Lungz Cwng ingj Sinhyungz hoiz



Dajcae youq dawzrauq, gaenxgyaek caux vuenyungz.



▲ Ndaw naz nyaengq guh hong, doxdongx mbouj yiemz baeg.



▲ Ndaemnaz dwgrengz lai, fwngz vaij lij aeu giuj.



▲ Ngaizmbokcuk haekfeih, soengbae daengz henz naz.



▲ Caemh gwn "ngaizdaiz-raez", caez hoh "cietroigyaj".

Moix bi geiqciet muengzcungq gonqlaeng, gyoengq beixnuengx Bouxcuengh ranghdieng Nazmbaeklae Lungzciz ndaw yienh Lungzswng haenx, cungj caez comz youq henz naz, angqyangz gvaq aen ciethieq cietroigyaj. Gyoengqvunz ram mbawgeiz go'gyaj, roq gyong roq laz, comz youq gyang mbanj, bae daengz henz naz, guh caeqbaiq yizsi, eu fwen diuq foux, hawj gij hong ndaem naz nyaengqny i haenx daiq bae faenh soengset angqyangz ndeu, aeu sing fwen sing angq daeuj mbaenjgouz ndaw bi rumz dingh fwn yinz, aeu gaem youh gaem go'gyaj baijyienh gij siengjmuengh gyaunde i saedceij vuenyungz beixnuengx Bouxcuengh.

Ciuq vunzlaux dangdieg lwnh naeuz, "cietroigyaj" caemh heuhguh "ciethaigyaj", dwg ngoenzciet conzdungj ndawbiengz gyoengq beixnuengx Bouxcuengh Mbanjcuengh Bingzanh daengj cibsam aen mbanj ranghdieng Nazmbaeklae Lungzciz. Aen ciet neix youq seiz Ciuhmingz Ciuhingh couh hwng guh lo, daengz seizneix gaenq lienzdaemh banh baenz 400 lai bi, moix bi geiqciet muengzcungq gonqlaeng, fwncin baenz raq baenz raq doek roengz naz, ndaw nazmbaeklae hainduj rom miz raemx lo, gyoengqvunz Mbanjcuengh ranghdieng Nazmbaeklae Lungzci couh senj aen ngoenzndei (itbuen dwg ngoenz muengzcungq) ndeu, banh

cietroigyaj le nyaengq ndaem naz hwnjdaej. Banhaet ngoenzciet, gyoengq vunzmbanj cungj caez comz youq henz "nazmehgyaj", youz goenglaux ndaw mbanj caeuq goengsae daiq vunzlai guh caeq "nazmehgyaj" caeuq "mehgyaj" yizsi, goenglaux siu yieng diemj lab, capbaek "mauhnyinz", caeqbaiq "mehgyaj" duzsaenz baujhoh go'gyaj neix; goengsae cix nam ging boq loxlez, roq gyonglaz mbaenj fuk, siu yieng baiq "mehgyaj" caemhcaiq aeu aen roisaenz "mehgyaj", roi sam gaem gyaj swnh le bau roengz naz bae, eiqsei dwg daj ngoenzneix doxbae, doenghnaz souh "mehgyaj" baujyouh, gomiuz maj noengq dok lai, mbouj fatbingh, daengzlaeng ndaej fungsou. Riengzlaeng, singbauq (itbuen roek daengz bet sing) yiengj sat le, ndaw nazmbaeklae couh hainduj nyaengq hwnjdaej lo: Gyoengq vunzmbanj mbanj gwed cae gwed rauq yien vaiz byaij youq gwnz gij haenznaz utut ngeujngeuj haenx, mbanj dawz vaiz cae rauq, mbanj cix gvanbaz roxnaeuz bohlwg boux rag boux gaem dwk cae rauq; gyoengq mehmbwk mbanj fwngz riengjret dwk ciemz gyaj swiq gyaj cug gyaj, mbanj rap bwnh rap gyaj roengz naz, mbanj gaeuz hwet ndaem naz; gyoengq vunzlaux cix mbouj youq ndwi, mbanj cawj byaek cawj ngaiz soengq daengz henz naz, mbanj aemq

lwngyez bae henz naz bang vanq bwnh bau gyaj…… Daj giz gyae yawj bae, caen lumj fuk veh hung fungsug minzcuz gyaunde i dangqmaz ndeu.

Ngoenzciet, gyoengq vunzmbanj cawz guh yizsi caeqcuengq le, lij guh gij hozdung sengdoengh mizyinx haenx dem, lumjbaenz ndaw naz gaeb bya, ndaw naz ciengj gaeq, ndaw naz baeuh naez doxdax doenghij hozdung neix mizyinx youh angqyangz, vunzmbanj cungj doxcanj camgya; banhaemh, vunzmbanj doxcomz gwn donq ngaizdaizraez ndeu, yienh'ok gyoengq vunzmbanj doxgiet doxhuz. Gwn caeuz sat le, gyoengq vunzmbanj youh daenj gij buhvaq minzcuz moqsupsup haenx comz daengz gwnz diegbingz ndaw mbanj, hopngomx feizdong eu fwen ciengq go diuq foux, ciengzmienh nauhyied hoenghwd; doeklaeng, gyoengq vunzmbanj bouxboux cungj gaem gaiq bogfeiz ndeu, doxriengz dwk byaij hwnj gij haenznaz nazmbaeklae bae, vunz byaij doenghyubyub, bogfeiz caemh ronghyebyeb, hawj nazmbaeklae yienh'ok aen gingj doengxhaemh "ndaunde i buenx ronghndwen" ndeiawj raixcaix ndeu, cigdaengz gyanghwnz cij sanq bae. Ngoenzciet hawj gyoengq hekyouz caeuq boux gyaenz ingjsiengq haenx comz bae yawj mbat gaeuq ndeu, sim'angq baenzhwnz.



▲ Henz naz caeq "mehgyaj", caezgya mbaenj fungsou.



▲ Dwkcungq aen roigyaj, muengh haeuxnaz maj ndei.

▲ Ciemz gyaj caiq bae ndaem, dwgrengz caemh sim'angq.